

Nomina.

Situs.

Soli fertilitas.

Animalium
varietas.Imperium maio-
rum.

IN Asia, ad quam nunc pervenimus. *Imperium turcicum* primo loco occurrit. *turcarum* meminit Mela li-
bro primo: Eodem agnoscit Plinius lib. v i. cap. v i i. neque est dubium quin ab his & nominis & gentis
originem traxerint illi, qui longe lateque hodie imperitant, ignavia & dissensionibus nostris magni. Po-
stellus putat eos Hebreis *togarma* nominari: sic etiam Benjamin Tudelensis. Hi se ipsos *Musulmannos* vo-
cant, hoc est circumcisos, vel ut alij interpretantur, recte credentes. Turcæ vero appellari nolunt, ac nomen
hoc contumeliosum apud ipsos habetur, cum lingua Hebræa exules significet, vel secundum alios, vastatores.
Ceterum *Othomana* seu *Osmanida* familiæ *Imperium*, quod sane amplissimum est, ac potentissimum, permul-
tas Provincias, ac Regiones Europæ, Africæ, & Asiæ complectitur. In Europa extenditur juxta oram ma-
ritimam Hadriatici Sinus a finibus Epidauri, nunc *Ragusi* & rotum *Ægæum* mare ambiens, simulque Propon-
tidem, ac non minimam Ponti Euxini partem, ad Theodosiam urbem in Taurica Chersoneso litam, quam
nunc *Cassam* vocant, terminatur: quod spacium octo millia milliar. continet. In Mediterraneis vero proten-
ditur a Iavarino Opido Hungariæ, Incolis *Rab*, ad Constantinopolim usque in finibus Europæ sitam. In Africa
habet Turca universam oram maritimam ab Opido *Bellis de Gomera* usque ad Sinum Arabicum, seu mare Ru-
brum, exceptis paucis locis Hispaniarum Regi subiectis. In Asia etiam quam latissime sese extendit. Regio ut
plurimum, Frumenti, Triticici, Hordei, Avenæ, Siliginis, Fabarum, Milij aliorumque Leguminum fertilis. A-
bundat Oriza, Lino, Gossypio. Vineta quoque habet. Fort etiam magna copia Pepones, Melones, Cucumeres,
Nuces, Poma, Pira, Mala Punica, Aurantia, Castaneas, Ficus, Cerasa, aliosque Fructus: sed non in omni
Regno. Sunt enim loca, ut passim in Cappadocia & Armenia minori, ubi nihil horum (propter inten-
sissimum frigus) nascitur. Venas item habet Auri, Argenti, Ferri, Aeris & Aluminis. Varij generis alit Ani-
malia, magnamque Camelorum, Mulorum & Pecudum copiam. Equi Turcici, Canesque ferocissimi im-
primis probantur. Turcarum porro Imperio tale legitur fuisse initium. Primus illorum Imperator *Ottoman-*
nus Tartarus fuit miles magni Cham, homo audax, corporis viribus præ ceteris eximius. Hic prætextu in-
juriarum quarundam secedens a Tartaris, cepit in Cappadocia Montes atque aditus insidere. Habebat initio
apud se equites xl: accessere tum prædæ spe, tum scelerum suorum conscientia permoti multi alij: quorum
opera, quod antea clam instituerat, palam adgredi cœpit, occupavitque *Cappadociam*, *Pontum*, *Bithyniam*,
Pamphiliam & *Ciliciam*, regiones opulentissimas. Hæc gesta sunt circa annum Domini ccccc. Huic suc-
cessit Filius *Orchanes*. Hic a patre acceptum Imperium iisdem artibus, sed majore opum vi & divitiarum
copia servavit auxitq; usus imprimis oportunitate Christianorum inter se animis dissentientium: quo factum
est, ut *Mysiam*, *Lycaoniam*, *Phrygiam*, *Cariam* viribus suis domuerit, *Niceam* obsederit ceperitque; Regnum
suum, & ad Hellespontum usq; protenderit. Contendebant eo tempore inter se Palæologi cum Caracuzeno.
Ratu